
Мавсум илғорлари муносиб рағбатлантириб бориляпти
Ўзбекистон тумани пахтазорларида йиғим-терим жараёнлари уюшқоқлик билан давом этмоқда.

Миришкор бободеконлар терим отрядлари кўмагида жами 4 минг 600 гектар майдонда етиштирилган пахта ҳосилини тезроқ йиғиб олиб, 16 минг 800 тонналик хирмон яратиш ҳаракатида.

Туман сектор раҳбарлари ана шу жараёнлар билан танишиб, пахтакорлар ҳолидан хабар олмоқда.

Бугун ҳам туман ҳокими Шерзоджон Юлдашев бошчилигидаги сектор раҳбарлари “Амир Темур” кўп тармоқли фермер хўжалиги пахта майдонларида бўлиб, терим жараёнларининг бориши кўздан кечирилди.

Хўжалик миришкорлари жорий мавсумда 19,7 гектар майдонда пахтанинг “Наманган-77” навини парваришилади. Кўнгилли ҳашарчилар ёрдамида қисқа муддатда шу кунгача 60 тоннадан зиёд хирмон кўтарилиб, яқин кунларда унинг миқдорини 80 тоннага етказиш, ҳосилдорликни эса 40 центнердан ошириш кўзланган.

Ҳашарчилар учун яратилган шароитлар билан танишган сектор раҳбарлари илғор теримчиларга эсадалик совғаларини топширдилар. Ҳашарчилар даромади ва хирмонларга барака, юртга тинчлик, оиласаларга аҳиллик ва барчага саломатлик тиланди.

2024-10-07 18:11:17